



Broj: 02-04-1800/20-AP-2  
Datum: 15.07.2020. godine

Na osnovu člana 13. Zakona o principima lokalne samouprave („Službene novine Federacije BiH“, broj: 49/06 I 51/09), člana 2. Zakona o pripadnostima javnih prihoda u Federaciji BiH („Službene novine Federacije BiH“, broj: 22/06, 43/08, 22/09, 35/14 i 94/15) i člana 25. Statuta Općine Zavidovići („Službeni glasnik Općine Zavidovići“, broj: 5/08 i 5a/08), Općinsko vijeće Općine Zavidovići na \_\_. sjednici održanoj dana \_\_. \_\_. 2020. godine, donijelo je

### **O D L U K U**

o izmjeni Odluke o administrativnim taksama Općine Zavidovići

#### **Član 1.**

U Odluci o administrativnim taksama Općine Zavidovići („Službeni glasnik Općine Zavidovići“, broj: 7/2017), u Tarifnom broju 6. tačka 7. tarifa administrativnih taksi Općine Zavidovići mijenja se i glasi:

„7. za ovjeru cjenika u ugostiteljskom objektu ..... 5 KM

#### **Član 2.**

Ova Odluka stupa na snagu prvi naredni dan od dana objavljivanja u „Službenom glasniku Općine Zavidovići“.

**PREDSJEDAVAJUĆI  
OPĆINSKOG VIJEĆA**

Redžo Seferović s.r.

## O B R A Z L O Ž E N J E

### PRAVNI OSNOV DONOŠENJA ODLUKE

U članu 2. Zakona o pripadnosti javnih prihoda u Federaciji BiH („Službene novine Federacije BiH“, broj: 22/06, 43/08, 22/09 i 35/14) određeno je da javne prihode u smislu ovog Zakona čine između ostalog i takse.

U članu 13. Zakona o principima lokalne samouprave („Službene novine FBiH“, broj: 49/06 i 51/09), određeno je da Općinsko vijeće u okviru svojih nadležnosti donosi i propise o taksama.

U članu 25. Statuta Općine Zavidovići („Službeni glasnik Općine Zavidovići“, broj: 5/08 i 5a/08, pored ostalog, navedeno je da općinsko vijeće donosi odluke, druge propise i opće akte iz nadležnosti općine.

### RAZLOZI ZA DONOŠENJE ODLUKE

Dana 10.06.2020. godine Služba za upravu društvenih djelatnosti i opću upravu Općine Zavidovići primila je Nalog za izradu Prijedloga Odluke o izmjeni Odluke o općinskim administrativnim taksama, broj: 02-04-105720-AP-8 u kome se navodi da je potrebno izmijeniti Odluku o općinskim administrativnim taksama u dijelu tarife administrativnih taksi na način da se taksa za ovjeru cjenovnika ugostiteljskih usluga plaća 5,00 KM po zahtjevu za ovjeru cjenovnika, umjesto dosadašnjeg plaćanja 50,00 KM za prvu ovjeru cjenovnika u toku kalendarske godine kako je propisano tarifom Odluke o općinskim administrativnim taksama („Službeni glasnik Općine Zavidovići“, broj: 7/2017).

Kao razlog za izmjenu tarife navodi se da se Općinskom načelniku Općine Zavidovići obratilo Udruženje samostalnih privrednika Zavidovići zahtjevom za finansijsku podršku zbog vanrednog stanja proglašenog s ciljem suzbijanja širenja epidemije virusa Covid 19, kojim između ostalog traže izmjenu tarife administrativnih taksi u dijelu ovjere cjenovnika ugostiteljskih usluga.

Zbog navedenog se predlaže donošenje ove Odluke kojom se vrši izmjena Odluke o administrativnim taksama Općine Zavidovići u tarifnom broju 6. tačka 7. Tarifa administrativnih taksi Općine Zavidovići („Službeni glasnik Općine Zavidovići“, broj: 7/2017).

Obzirom da se ne radi o složenoj i obimnoj Odluci, predlaže se njezino donošenje po skraćenom postupku u skladu sa članom 130. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 i 9/2014).

### ODREDBE KOJE SE MIJENJAJU

#### „TARIFNI BROJ 6.

|  |       |
|--|-------|
| 1. Za ovjeru potpisa, rukopisa, prijepisa i fotokopiju jednog dokumenta.....                     | 2 KM  |
| 2. Za ovjeru autentičnosti rukopisa ili potpisa na punomoć .....                                 | 5 KM  |
| 3. Za ovjeru potpisa van zgrade općine Zavidovići .....  | 20 KM |
| 4. Za ovjeru ugovora o zapošljavanju zaključenih između radnika<br>i privatnih poslodavaca ..... | 5 KM  |
| 5. Za ovjeru rukopisa ili ovjeru prepisa na stranom jeziku .....                                 | 10 KM |
| 6. Za ovjeru trgovačkih knjiga .....   | 10 KM |
| 7. Za prvu ovjeru cjenika u ugostiteljskom objektu u toku<br>jedne kalendarske godine .....      | 50 KM |

8. Za prvu ovjeru normativa u ugostiteljskom objektu  
u toku jedne kalendarske godine ..... 50 KM
9. Za ovjeru kopija rješenja o registraciji privrednog društva  
(bez obzira na broj stranica)..... 2 KM“

#### FINANSIJSKA SREDSTVA POTREBNA ZA SPROVOĐENJE ODLUKE

Za sprovođenje ove Odluke neće biti potrebno planirati određena sredstva u Budžetu općine Zavidovići za 2020. godinu.

OPĆINSKI NAČELNIK

mr. sci. Hašim Mujanović

Obradila: \_\_\_\_\_  
(Nadina Mehinagić)

Kontrolisao: \_\_\_\_\_  
(Idriz Alihodžić)